

影印
文淵閣

四庫全書

影印

文淵閣四庫全書

第一〇七五冊

北京出版集團公司
北京出版社

本冊目次

東雅堂昌黎集註

遺文

朱子校昌黎集傳

外集註

唐

韓愈撰
李漢編

宋 廖瑩中集註

韓集點勘

清 陳景雲撰

附文道先生墓誌銘

文道先生傳

清 王峻撰……………五三三

清 沈廷芳撰

欽定四庫全書

集部

東雅堂昌黎集註
遺文本傳

欽定四庫全書

東雅堂韓昌黎集註

提要

臣等謹案東雅堂韓昌黎集註四十卷不

著撰人名氏惟卷末各有東吳徐氏刻梓

家塾小印考陳景雲韓集點勘書後曰近

代吳中徐氏東雅堂刊韓集用宋末廖瑩

中世綵堂本其注采建安魏仲舉五百家

欽定四庫全書

東雅堂韓昌黎集註
提要

註本為多間有引他書者僅十之三復刪節

朱子單行考異散入各條下皆出瑩中手也

瑩中為賈似道館客事見宋史似道傳徐氏

刊此本不著其由來殆深鄙瑩中為人故削

其名氏併開板年月邪云云今考此本前列

重校凡例九條內稱廟諱一條確為宋人之

語景雲之說為可信知此本為瑩中註也景

雲又自註此文曰東雅堂主人徐時泰萬曆

詳校官通政使_臣夢吉

檢討_臣何思鈞覆勘

總校官檢討_臣何思鈞

校對官主事_臣陳文樞

謄錄監生_臣施華

中進士官工部郎中今考明進士題名碑萬

歷甲戌科有徐時泰長洲人蓋即其人矣乾

隆四十六年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

東雅堂輯昌黎集註
提要

重校昌黎集凡例

是集 慶元間魏仲舉刊五百家註引洪興祖樊汝

霖孫汝聽韓醇劉崧祝充蔡元定諸家註文洪辨撰樊楷註

孫韓劉全解祝音義蔡補註未免冗複而方崧卿舉正朱子校本

攷異却未附入讀者病之今以朱子校本攷異為主

而刪取諸家要語附註其下庶讀是書者開卷瞭然

今舉凡例于左

一朱子攷異凡例見于文集序首並仍其舊

欽定四庫全書

東雅堂輯昌黎集註
凡例

一閣京杭蜀石本異同已見朱子攷異凡例今更

加讎校是正頗多觀者當自知之

一註引經子史等事則書于攷異之上釋音則附

其下

一小圈下令按云云者並是攷異全文

一註引經子史書傳事為證者則入如集中有關

繫時政及公卿拜罷月日更博採新舊史唐登

科記附益之

一舊註引某氏云者今倣朱子離騷集註例皆

刪去惟攷異下有糾方之繆者則存之如復志

賦誰無施而有獲所辨之類是也

一先儒議論有關係者隨所聞見增入如閔已賦

固哲人之細事今東坡顏樂亭記嘗有評議元

和聖德詩婉婉弱子亦立偃僂南軒所議之類

是也

一正文或有疑字並依攷異文从口如藍田縣丞

欽定四庫全書

東雅堂品集註

廳壁記再進再屈口人之類是也

一皇朝廟諱諸本多易本字如貞元作正元之

類非臨文不諱之義徒失古意今例但空本字

點畫若唐諱如以丙為景以民為人之類却存

古不改

一攷異於正文本字或一字或二字並提起今例

如本字在句末即入註脚不復重出句讀中或

一兩字各有攷異並總附於一句之下

昌黎先生集序

朱子云此集今世本多不同惟近歲南安軍所
刊方崧卿校定本號為精善別有樂正十卷論
其所以去取之意又它本之所無也然其去取
多以祥符抗本嘉祐蜀本及李謝所據館閣本
為定而尤尊館閣本雖有謬誤往往曲從它本
雖善亦棄不錄至於舉正則又例多而詞寡覓
者或煩不能曉知故今輒因其書更為校定悉
考衆本之同異而一以文勢義理及它書之可
證驗者決之苟是矣則雖民間近出小本不敢
違有所未安則雖官本古本石本不敢信又各
詳著其所以然者以為考異十卷庶幾盡去
取之未善者覽者得以參伍而筆削焉 ○方
序只云目為昌黎先生集諸本亦多無文字者
今从之 後凡从方氏者不復論所不同者乃

欽定四庫全書

東雅堂品集註

之著

門人李漢編

蜀本作朝議郎行尚書屯田員外郎
史館修撰上柱國賜緋魚袋李漢編

今本或有并
序二字非是

文者貫道之器也不深於斯道有至焉者不也易繇爻

象

繇音宙占
辭名也

春秋書事詩詠訝書禮剔其偽皆深矣乎

秦漢已前其氣渾然迨乎司馬遷相如董生揚雄劉向

之徒尤所謂傑然者也至後漢曹魏氣象姜爾司馬氏

已來規範蕩悉謂易已下為古文剽掠潛竊為工耳文

與道茶塞固然莫知也先生生於大歷戊申幼孤隨兄

播遷韶嶺兄卒鞠於嫂氏辛勤來歸求或作自知讀書

為文日記數千百言比壯經書通念曉析酷排釋氏讀

百子皆搜扶無隱或無汗瀾卓踔翕注澄深左太冲吳都賦云弘澄翕

於更切注音至或作注非是俞詭然而蛟龍翔蔚然而

虎鳳躍鏘然而韶鈞鳴方从杭蜀本作發今按二字

故今定从諸本而時著方本兩通但作鳴則句響而字穩耳

所从以備考後皆放此日先王潔周情孔思千態

萬貌卒澤於道德仁義炳如也洞視萬古愍惻當世遂

欽定四庫全書東雅堂昌黎集注序

大拯頽風教人自為左氏成公二年其自為謀時人始

而驚中而笑且排先生益堅終而翕然隨以定嗚呼先

生於文摧陷廓清之功比於武事閣本作可謂雄偉不

常者矣常方从杭本作賞云取漢書功蓋天下者不賞

唐太宗亦嘗自言武德末年實有功高不賞之懼施之

於此既不相似且非臣子所宜言者李亦未必敢取以

為用也當從長慶四年冬先生歿門人隴西李漢或無

諸本為正

二尋知最厚且親遂收拾遺文無所失墜左傳國語多

作墜失或無得賦四古詩二百一十聯句十一律詩一

百六十雜著六十五書啓序九十六哀詞祭文三十九

碑誌七十六筆硯鯉魚文三表狀五十二摠七百或作

一十六或作七百三十八方氏考其數皆不合而姑從

闕本杭本以為唐本舊如此既非文義所繫今亦不能

考并目錄合為四十一卷目為昌黎先生集傳於代又

有注論語十卷傳學者順宗實錄五卷列於史書不在

集中先生諱愈字退之官至吏部侍郎餘在國史本傳

欽定四庫全書東雅堂昌黎集注序

三

昌黎集序說

宋景文公云柳柳州為文或取前人陳語用之不及韓吏部卓然不可於古而一出諸已

蘇明允上歐陽書云孟子之文語約而意深不為巉刻斬絕之言而其鋒不可犯韓子之文如長江大河渾浩流轉魚鼉蛟龍萬怪遑惑而抑絕蔽掩不使自露而人望見其淵然之光蒼然之色亦自畏避不敢迫視

欽定四庫全書

東雅堂昌黎集註
序說

東坡云杜詩韓文顏書左史皆集成也又云唐之古文自韓愈始其後學韓而不至者為皇甫湜學皇甫湜而不至者為孫樵自樵以降無足觀矣山谷與王觀復書云杜子美到夔州後詩韓退之自潮州還朝後文章皆不煩繩削而自合矣又云老杜作詩退之作文無一字無來處蓋後人讀書少故謂韓杜自作此語耳又答洪駒父云諸文皆好但少古人繩墨耳可更熟讀司馬子長韓退之

文章

秦少游云探道德之理述性命之情發天人之奧明死生之變此論理之文如列禦寇莊周之作是也別黑白陰陽要其歸宿決其嫌疑此論事之文如蘇秦張儀之所作是也考同異次舊聞不虛美不隱惡人以為實錄此叙事之文如司馬遷班固之所作是也原本山川極命草木比物屬事駭耳目變心意此託詞之文如屈原宋玉之所作是也

欽定四庫全書

東雅堂昌黎集註
序說

鉤莊列之微挾蘇張之辯撫遷固之實獵屈宋之英本之以詩書折之以孔氏此成體之文如韓愈之所作是也蓋前之作者多矣而莫有備於愈後之作者亦多矣而無以加於愈故曰總而論之未有如韓愈者也

陳後山云杜之詩法韓之文法也詩文各有體韓以文為詩杜以詩為文故不工耳

李方叔云東坡教人讀戰國策學說利害讀賈誼

晁錯趙充國章疏學論事讀莊子學論理性又須

熟讀論語孟子檀弓要志趣正當讀韓柳令記得

數百篇要知作文體面

欽定四庫全書

東雅堂昌黎集序

三

昌黎集序說

欽定四庫全書

東雅堂昌黎集遺文

聯句

有所思聯句

此下三聯句
見五卷野集

相思統我心日夕千萬重年光坐晚晚春淚銷顏容

臺鏡晦舊暉庭草滋新茸望天山上石別劍水中龍

遣興聯句

說見上

我心隨月光寫君庭中央月光有時晦我心安所忘

欽定四庫全書

東雅堂昌黎集遺文

二

常恐金石契斷為相思腸平生無百歲岐路有四

方四方各異俗適異非所將驚蹄顧挫秣逸翮遺

稻梁時危抱獨沉道泰懷同翔獨居久寂默相顧

聊慨慷慨慷丈夫志可以耀鋒鋌遽寧知卷舒孔

顏識行藏朗鑒諒不遠佩蘭永芬芳苟無夫子聽

誰使知音揚

贈劍客李園聯句

同上

天地有靈術得之者唯君築爐地區外積火燒氛氲

愈照海鑠幽怪滿空歎異氛郊山磨電奔奔水淬龍螭

愈太一裝以寶列仙篆其文郊可用懾百神豈唯壯

三軍愈有時幽匣吟忽似深潭聞郊風胡久已死此劍

將誰分愈行當獻天子然後致殊勲郊豈如豐城下空

有斗間雲愈

遺詩

同竇年韋執中尋劉尊師不遇此詩得於五竇

都官外郎同洛陽令竇年河南令韋執中以訪之元和五年也詩以同尋師為韻人各一

欽定四庫全書

首洪氏年譜亦見

秦客何年駐仙源此地深還隨躡蹻騎來訪馭風襟院
閉青霞入松高老鶴尋猶疑隱形生敢起竊桃心

春雪

今按此詩得於文苑英華其後即以正集
中春雪詩首句云新年都未有芳華者系
之疑亦公作也已上並方本所載諸本所無
者今悉存之諸本更有遺文一卷方獨取贈
族姪嘲軒三篇餘並不錄今並附見于
後其可疑者亦但存其目而不載其文云

片片驅鴻急紛紛逐吹斜到江還作水著樹漸成花越
喜飛排瘴胡愁厚蓋砂兼雲封洞口助月照天涯瞑見

迷巢鳥朝逢失輶車呈豐盡相賀寧止力耕家

贈族姪上或有徐州字

我年十八九壯氣起曾中作書獻雲闕辭家逐秋蓬歲
時易遷次身命多厄窮一名雖云就片祿不足充今者
復何事卑棲寄徐戎蕭條資用盡落門巷空朝眠未
能起遠懷方鬱悰擊門者誰子問言乃吾宗自云有奇
術探妙知天工既往悵何及將來喜還通期吾語非佞
當為佐時雍

欽定四庫全書

嘲軒睡李希聲家有退之遺詩數十篇希聲云皆非也獨嘲軒二篇似之錄于末

澹師晝睡時聲氣一何猥頑颺吹肥脂坑谷相鬼磊雄
哮乍咽絕每發壯益倍有如阿鼻尸長喚忍眾罪馬牛
驚不食百鬼聚相待木枕十字裂鏡面生痱瘡痱音肥
痱瘡腫鐵佛聞皺眉石人戰搖腿執云天地仁吾欲責
真宰幽尋虱搜耳猛作濤翻海太陽不忍明飛御皆情
怠乍如彭與黥呼冤受菹醢又如園中虎號瘡兼吼饑
雖令伶倫吹苦韻難可改雖令巫咸招鬼魅難復在何

山有靈藥瘳此願與採

澹公坐卧時長睡無不穩吾嘗聞其聲深慮五藏損黃

河弄漬瀑梗澀連拙鮫南帝初奮槌一竅洩混沌莊子

王篇南海之帝儋北海之帝忽中央之帝混沌相與甚善儋與忽謀報混沌之德曰人皆有七竅以視聽食息

此獨無有嘗試鑿之曰迥然忽長引萬丈不可忖謂言

鑿一竅七日而混沌死

絕於斯繼出方衮衮幽幽寸喉中草木森莽萼莽音本

草木叢生也盜賊雖狡獪亡竟敢窺閭鴻蒙總合雜詭譎騁

戾狠乍如鬪呶呶忽若怨悵儼賦形苦不同無路尋根

欽定四庫全書東雅堂易學集註道文

本何能理其源惟有土一畚

畫月

玉益不磨著泥土青天孔出白石補免入白藏蛙縮肚桂

樹枯株女閉戶陰為陽羞固自古嗟汝下民或敢侮戲

謝盜視汝目瞽

贈張徐州莫辭酒

莫辭酒此會固難同請看工女機上帛半作軍人旗上

得來還家

辭唱歌諸本注云此篇恐非公作今姑存之

抑逼教唱歌不解看豔詞坐中把酒人豈有歡樂姿幸

有伶者婦腰身如柳枝但令送君酒如醉如愁癡聲自

肉中出使人能遠隨復遣慳慳者贈金不皺眉豈有長

直夫喉中聲雄雌君心豈無恥君豈是女兒君教發直

言大聲無休時君教哭古恨不肯復吞悲乍可阻君意

豔歌難可為

欽定四庫全書東雅堂易學集註道文

知音者誠希古詩不悲歌者若但傷知音希

知音者誠希念子不能別行行天未曉携手踏明月

酬藍田崔丞立之詠雪見寄

京城數尺雪寒氣倍常年泯泯都無地茫茫豈是天崩

奔驚亂射揮霍訝相纏不覺復堂陞方應折屋椽出門愁

落道上馬恐平羈朝鼓於凌起山齋酩酊眠吾方嗟此

役君乃詠其妍水玉清顏隔波濤盛句傳朝飧思共飯

夜宿憶同羣舉目無非白雄文乃獨玄

潭州泊船呈諸公

夜寒眠半覺鼓笛聞嘈嘈聞浪春樓堞驚風破竹篙主人看使範客子讀離騷聞道松醪賤何須恡錯刀

飲城南道邊古墓上逢中丞過贈禮部衛員外

少室張道士

中丞謂裴度也

偶上城南土骨堆共傾春酒三五盃為逢桃樹相料理
料音不覺中丞喝道來

池上絮

欽定四庫全書

東雅堂書集卷之六

六

池上無風有落暉楊花晴後自飛飛為將纖質凌清鏡
濕却無窮不得歸

記

監軍新竹亭記

按此天恐非公作今刪去

書

答侯生問論語書

公作論語傳未成而歿見於張籍祭詩辨於洪慶善之說

者甚明今世所傳如宰予晝寢以畫作畫子在齊聞韶三月不知肉味以三月作音浴乎沂以浴作浴子在回何敢死以死作先雖此鄙淺然為伊川之學者皆取之

愈白侯生足下所示論語問甚善聖人踐形之說孟子

詳於其書當終始究之若萬物皆備於我反身而誠是也苟有偽焉則萬物不備矣踐形之道無他誠是也足下謂賢者不能踐形非也賢者非不能踐形能而不備耳形言其備也所謂具體而微是也充實之謂美充實而有光輝之謂大充實則具體未大則微故或去聖一閒或得其一體皆踐形而未備者唯反身而誠則能踐形之備者耳愈昔注解其書而不敢過求其意取聖人之旨而合之則足以信後生輩耳此說甚為穩當切更思之愈白

墓誌

相州刺史御史中丞田公故夫人魏氏墓誌銘

下或有注并序字今按此篇不類公它文目云元和八年則又非少作其非公作無疑

啓

皇帝即位賀宰相啓

欽定四庫全書

東雅堂書集卷之七

七

愈啓伏見冊命皇帝以閏月三日嗣臨大位以主神人舍生之類孰不蒙賴相公翼亮聖明大慶資始伏惟永與國同休愈下情不勝慶躍限以所守不獲隨例拜賀謹差某奉啓不宣謹啓

狀

奏汴州得嘉禾嘉瓜狀

方本有之以附嘲新雖之後云此篇見文苑英

華蓋為董晉作董晉行狀亦可攷

右謹按符瑞圖王者德至於地則嘉禾生伏惟皇帝陛下

欽定四庫全書

東雅堂書集註

八

下道合天地恩霑動植適無不協遠無不賓神人以和風雨咸若前件嘉禾等或兩根並植一穗連房或延蔓數榮異實共蒂既叶和同之慶又標豐稔之祥感自皇恩微莖何極於造化親逢嘉瑞小臣喜遇於休明無任云云

皇帝即位賀諸道狀

伏見勅命皇帝以閏正月三日嗣臨寶位海內惟新凡在臣庶不勝慶幸惟俯同下情未由拜賀但增馳戀謹

奉狀不宣某再拜

或無此三字

皇帝即位降敕賀觀察使狀

二月五日恩敕今月二十四日卯時到州當時集百官僧道百姓宣示訖聖上以繼明之初垂惟新之澤曲成不遺於萬物大賚遂延於四海寰宇斯恭品類皆蘇渥恩普霑遠近同慶

蘇渥或乙此二字非是

愈以藩條有制拜賀無

由不勝欣抃之至謹差萍鄉縣丞李某奉狀陳賀

某或作於

潮州謝孔大夫狀

此篇見洪氏年譜方氏增考云公既南行宋亦趨逐二月

二日已過商州之南而此狀言七月二十七日

欽定四庫全書

東雅堂書集註

九

又姪孫湘亦從公而南故宿曾江口有示湘詩而過始興江口詩謂目前百口還相逐與狀言妻子孫姪未到者皆不相應此狀恐妄也今按公之到郡既不見年月之實則此狀無由可考方氏引曾江始興二詩以證此狀之妄蓋亦有理但恐或是已過始興留家袁州申使狀則又未有以必見其妄故今且存之亦闕疑之意也

伏奉七月二十七日牒以愈貶授刺史特加優禮以州

小俸薄慮有闕乏每月別給錢五十千以送使錢充者

開緘捧讀驚榮交至顧已量分慚懼益深欲致辭為讓

則乖伏屬之禮承命苟貪又非循省之道進退反側無以自寧其妻子男女并孤遺孫姪奴婢等尚未到官窮州使賓罕至身衣口食絹米足充過此以往實無所用積之於室非廉者所為受之於官名且不正恃蒙眷待輒此披陳

疏

憲宗崩慰諸道疏

愈言上天降禍大行皇帝奄棄萬國伏惟攀慕永痛哀

欽定四庫全書

東坡堂詩集卷五
道文

十一

感難勝某承詔不任號絕限以官守拜慰末由伏增惶戀謹差某奉疏不宣韓愈再拜

題名

長安慈恩塔題名

已下並方
本所載

韓愈退之李翱習之孟郊東野柳宗元子厚石洪濬川

同登

洛北惠林寺題名

韓愈李景興侯喜尉遲汾貞元十七年七月二十二日

魚于溫洛宿此而歸昌黎韓愈書

謁少室李渤題名

愈同樊宗師盧仝謁少室李拾遺

福先塔寺題名

處士石洪濬川吏部員外王仲舒弘中水部員外鄭楚相叔教洛陽縣令潘宿陽乾明國子博士韓愈退之前試左武衛曹李演廣文前杭州錢塘縣尉鄭絃文明元和三年十月九日同遊

欽定四庫全書

東坡堂詩集卷五
道文

十一

嵩山天封宮題名

歐公跋
語附

元和四年三月二十六日與著作佐郎樊宗師處士盧仝自洛中至少室謁李徵君渤樊次玉泉寺疾作歸明日遂與李盧道士韋濛僧榮並少室而東抵衆寺上太室中峯宿封禪壇下石室遂自龍泉寺釣龍潭水遇雷明日觀啓母石入此觀與道士趙玄遇乃歸閏月三日國子博士韓愈題

歐公集古跋尾云右韓退之題名二皆在洛陽其

一在嵩山天封宮石柱上刻之記龍潭遇雷事天
聖中余為西京留守推官與梅聖俞遊嵩山入天
封宮徘徊柱下而去遂登山頂之武后封禪處有
石記戒人遊龍潭者毋語笑以黷神龍龍怒則有
雷恐因念退之記遇雷意其有所誠也其一在福
先寺塔下當時所見墨蹟不知其後何人模刻于
石也

迂杜兼題名

欽定四庫全書

東雅堂昌黎集注
遺文

十三

河南尹水陸運使杜蕪尚書都官員外郎韓愈水陸運
判官洛陽縣尉李宗閔水陸運判官伊闕縣尉牛僧孺
前同州韓城縣尉鄭伯義元和四年九月二十二日大
尹給事奉詔祠濟瀆回愈與二判官於此迎候遂陪遊
宿愈題

華嶽題名

此文刻於金天祠石闕昔人嘗集華
嶽題名自唐開元至後唐清泰錄為

十卷此文雖未必盡出公手然
筆削之嚴要非公不可故錄之

淮西宣慰處置使門下侍郎平章事裴度副使刑部侍

郎蕪御史大夫馬總行軍司馬太子右庶子蕪御史中
丞韓愈判官司勳員外郎蕪侍御史李正封都官員外
郎蕪侍御史馮宿掌書記禮部員外郎蕪侍御史李宗
閔都知兵馬使左駙衛將軍威遠軍使蕪御史大夫李
文悅左廂都押衙蕪都虞候左衛將軍蕪御史中丞密
國公高承簡元和十一年八月丞相奉詔平淮右八日
東過華陰禮于嶽廟總等八人實備將佐以從

欽定四庫全書

東雅堂昌黎集注
遺文

十三

東雅堂昌黎集遺文

朱子校昌黎集傳

新書本傳

宋景文公

今以李翱所撰行狀皇甫湜所撰墓誌神道碑舊史本傳資治通鑑洪興祖所撰年譜程俱所撰歷官記方崧卿增攷年譜考其同異詳略附注本大之下以見公之行事本末而文之已見於集者不復載云

韓愈字退之鄧州南陽人七世祖茂有功於後魏封安

定王父仲卿為武昌令有美政既去縣人刻石頌德終

秘書郎李白作文公父仲卿去思碑云南陽人而公常自稱昌黎李翱作公行狀亦云昌黎某入皇甫

欽定四庫全書

宋景文公集

一

洙作墓志不言鄉里又作神道碑乃云上世嘗居南陽又隸延州之武陽而舊史亦但云昌黎某今按新史蓋因李碑而加鄧州二字也然考漢書地理志有兩南陽其一河內脩武即左傳所謂晉陸渾陽也其一南陽者陽即荊州之南陽郡字與諸同在唐屬鄧州者也元和地纂唐書世系表有兩韓氏其一漢弓高侯穎當玄孫避亂居南陽郡之諸陽九世孫河東太守衛生河東太守純此四世孫安之晉員外郎二子潛恬隨司馬休之八復魏為玄菟太守二子都偃偃生後魏中郎顧顯生播徙昌黎縣城其一則顧當裔孫為後漢龍西太守世居順川生司空後徙安定武安至後魏有常山太守武安成侯耆徙居九門生尚書令征南大將軍安定相王茂茂生均均生腹腹生仁泰仁泰生獻素獻素生仲卿仲卿生會愈而中間嘗徙陳留以此而推則公所撰年譜但以嵩之後世嘗徙昌黎遂附新史之說獨

以諸陽為均州小有不同耳及其再考二書而見公世系之實則遂諱匿不敢復著仲卿會愈之名而直以為不可考今固不得而據也唯方崧卿增攷引董道說以為嵩乃韓

瑗韓休之祖而公自出於粵後與二書合其論南陽則又云今孟懷州皆春秋南陽之地自漢至隋二州皆屬河內

郡唐順慶中始以孟州隸河南府建中中乃以河南之四

縣入河陽三城使具後又改為孟州今河內有河陽縣韓

氏世居之故公每自言歸河陽省墳墓而女挈之銘亦曰

歸骨于河南之河陽韓氏墓張籍祭公詩亦云舊塋盟津

北則知公為河內之南陽人其說獨為得之公詩所謂舊

籍在東都我家本潁潁則必以地近而後嘗徙居耳但據

此則公與昌黎之韓異派而每以自稱則又有不可曉者

豈是時昌黎之族頗盛故隨稱之亦若所謂言劉忠出彭

城言李忠出隴西者邪然設使公派果出昌黎也則其去

諸陽已歷數世其後又屢遷徙不應舍其近世所居之土

而遠指鄧州為鄉里也方又引孔武仲之說亦同董氏而

欽定四庫全書

宋景文公集

二

王銍以為公生於河中之永樂今永樂猶有韓文卿則其說為已詳蓋其世系雖有不可知者然南陽之為河

內脩武則無可疑者而新愈生三歲而孤隨伯兄會貶

史洪璿之誤斷可識矣

官嶺表會卒嫂鄭鞠之李漢序云先生生於大歷三年戊申三歲而孤見祭嫂文及乳

母誌會事見盧東美誌洪璿云盧志所謂宗兄乃大

宗小宗之宗舊史以為從父兄誤矣又云舊史大歷十二

年夏五月起居舍人韓會坐元載貶官柳宗元先友記云會善清言有文章名最高以故多謗會既卒公携家北歸葬會河陽建中貞元間復避地於江南韓氏有別業在宣城因就食焉見歐陽詹哀詞復志賦祭嫂及老成文示愈自知讀書日記數千百言比長盡能通六經百

家學

行狀云讀書能記它生之所習墓誌云先生七歲好學言出成文今按復志賦云值中原之有事

分將就食於江之南始專專於講習今非古訓為擢進

士第洪譜云貞元二年丙寅公年十九始至京師見祭

齊韓序八年壬申登進士第時年二十五見上邢君牙

柳詩公名在榜中見與陸員外書舊史云大歷貞元間

銳意鑽仰欲自振於一代洎舉進士投文於公卿間故

相鄭餘慶頗為延譽由是知名是年有爭臣論九年癸

酉博學宏詞試太清宮觀紫極舞賦顏子不貳過論見

上考功崔虞部書及與韋舍人書十年甲戌有省試學

生代齊郎議方致此議當繫十一年武宏詞下未詳是

否洪譜入云是年嘗歸河陽省墳墓見祭老成文有贈

張童子序十一年乙亥又武宏詞見答崔立之書有三

欽定四庫全書

東坡堂書集

三

上宰相書皆不報是年去京師過潼關有感二鳥賦既

歸河陽有畫北遂自河陽如東都有祭田橫文今按

八年以後此年以前又嘗遊鳳翔以書抵邢君牙會董

不得意去有岐山詩洪程皆定為此年六月誤矣

晉為宣武節度使表署觀察推官晉卒愈從喪出不四

日汴軍亂乃去依武寧節度使張建封建封辟府推官

操行堅正鯁言無所忌董晉行狀云十二年七月晉拜

從公行狀云董公辟公以行得試秘書省校書郎為觀

察推官董誌云先生三十有一而仕神道碑云十四年

用進士從董晉平汴州推官舊史作巡官洪譜云二

狀載公入汴在十二年丙子與史合誌碑所記皆後二

文但云歷官二十有七年爾然自公卒之年逆數之亦當

以十四年三十一歲為歷官之始故公入汴雖在十二年

然水門記十四年正月作石本猶但稱攝節度掌書記前

進士韓愈是辟命猶未下也計必是年辟命乃下故碑誌

之言如此不當以命下之緩為疑也今按公入汴之年

洪方得之碑誌所計年數若以命下之日言之亦未為失

但云十四年從董晉平汴州則誤矣又送俱文珍序亦在

洪三年安得言十四年乃入汴乎要當以公之自言及二

狀二史通鑑為正特正狂躁其攻之或有未審不足據也

舊史之作巡官則程記已辨其非矣洪譜入云十三年

丁丑公在汴有復志賦送汴州監軍俱文珍序十四年戊

寅公在汴有天星詩水門記揚燕奇碑十五年已卯董晉

行狀云二月三日丞相魏公從喪行四日而汴州亂有汴

州亂持歷官記云汴軍亂愈家在園中尋得脫下汴東越

彭城愈從喪至洛還盟津度汜水出陳許間以二月暮抵

欽定四庫全書

東坡堂書集

四

奏為節度推官試協律郎至冬建封使愈朝正于京師

見歐陽哀詞是年有此日足可惜汴泗交流詩答李翱

書上建封書論晨八夜歸事後又有揀擊毬書賀白兔

狀徐泗棠節度掌書記聽石記崔翰墓誌十六年庚辰

春公朝正回徐有歸彭城詩夏去徐西居於洛陽見五

東野書及題下邵季生壁按公與東野書欲至秋辭去

而題季生壁在五月十四日則不待至秋而已去徐矣

舊史亦云公發吉真率無所畏避豈竟以此不合雖建

封之知已亦不能容邪公既去徐而建封卒翌日徐軍

亂見白樂天哀二良文在洛有與衛中行書冬公如京

師調四門博士洪譜云十七年辛巳公在京師以調選

有贈孟東野房蜀客詩是年有送李愿歸盤谷序李楚